



ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ

Վեհափառ Հայրապետի բարձր կարգա-
դրությամբ Ս. Պայանե եկեղեցում, ձեռամբ
Սյունյաց թեմի առաջնորդ գերաշնորհ Տ.
Ասողիկ եպս. Արիստակեսյանի, կատար-
վեց Սարգիս սրկ. Ղանդիլյանի քահանա-
յական ձեռնադրությունը:

Դեկտեմբերի 10-ին, կիրակի օրը, ս.
պատարագից սուաջ, կատարվում է նոր-
ընծաի ձեռնադրության կարգը: Նորըն-
ծան ծնրադիր առաջնորդվում է դեպի Ս.
Խորան և ապա ձեռքերը բարձրացրած
դառնում դեպի հավատացյալ բազմությու-
նը, հրաժարվում աշխարհից՝ կոչվելու
համար «ի սարկաւագութենէ ի քահանա-
յութիւն սրբոյ եկեղեցոյ»: Այդ պահին
սուրբ եկեղեցու կամարների տակ հնչում
է հանդիսավոր ու հաղթական «Աստուա-
ծային և երկնային շնորհ, որ լնու զպէտս
սպասաւորութեան առաքելական եկեղեց-
ոյ» շարականը:

Այնուհետև նորընծան մոտենում է ձեռ-
նադրիչ Տ. Ասողիկ եպիսկոպոսին, որն իր
ձեռքը դնում է նրա գլխին և հանդիսավոր
արտասանում ձեռնադրության աղոթքը.
«Ես դնեմ զձեռս ի վերայ սորա և դուք ա-
մենեքեան սղօթս արարէք զի արժանի
լիցի սա զաստիճան քահանայութեան, ա-
նարատ պահել առաջի սեղանոյ Տեառն

Աստուծոյ»: Դպրաց դասը միաբերան
վկայում է. «Արժանի է»:

«Ողջոյն»-ից առաջ նորընծան աղոթքով
ու օրհնությամբ ստանում է քահանայա-
կան փիլոն, սաղավարտ, փորուրար և
շուրջառ:

Մոտենում է ձեռնադրության խորհրդա-
վոր պահը: Տ. Ասողիկ սրբազանը մեռո-
նանիչը ձեռքին մոտենում է նորընծային,
օծում սրբալույս մեռոնով նրա ճակատն
ու ձեռքերը և վերանվանում Տ. Նորայր
քահանա:

Նորընծա տեր հայրը տալիս է իր առա-
ջին օրհնությունը՝ «Խաղաղութիւն ամենե-
ցուն»:

Արարողության ավարտին պատարագիչ
սրբազանը և արարողությանը ներկա հո-
գևորականներն ու հավատացյալները
շնորհավորում են նորընծա Տ. Նորայր
քահանային, մաղթելով անձնուրաց նվի-
րում՝ ի սպասավորություն Հայ Եկեղեցու
և հավատացյալ հայ ժողովրդի:

• •

«Էջմիածին» ամսագրի խմբագրությամբ
ևս շնորհավորում է նորընծային, այն հույ-
սով, որ նա պատվով ու նվիրումով կկա-
տարի Հայաստանյայց Առաքելական Եկե-
ղեցու հոգևորականի իր կոչումը: